

Юзма-юз мулоқот



ИЖТИМОИЙ СОҶА: РИВОЖЛАНИШ ТАМОЙИЛЛАРИ

Партия етакчиси Самарқандда аҳоли турмуш шароитини ўрганди

Бугун халқ вакиллари бўлган депутатлар зиммасида аҳолининг ишончини амалий натижалар билан оқлашдек устувор вазифа турибди. Бу фақат минбардаги нутқ ёки баландпарвоз гаплар билан эмас, балки жойлардаги мавжуд ҳолатни ўрганиш, одамлар билан юзма-юз мулоқот қилиш, муаммоларни эшитиб, уларни ҳал этиш бўйича аниқ таклифлар ишлаб чиқиш орқали амалга ошади.

Шу мақсадда “Адолат” СДП Сиёсий Кенгаши раиси, Қонунчилик палатасидаги партия фракцияси раҳбари Робахон Махмудова бошчилигидаги ишчи гуруҳ жорий йилнинг 27-28 январь кунлари Самарқанд вилоятида бўлди. Сафарда ҳудуддаги ижтимоий-иқтисодий аҳволни ўрганиш, таълим, соғлиқни сақлаш ва ишлаб чиқариш соҳаларидаги ҳолатни таҳлил қилиш, аҳоли билан мулоқот орқали мавжуд муаммоларга ечим таклиф этишга эътибор қаратилди.



АДОЛАТ — ҲАР БИР ИНСОН УЧУН!

“Адолат” СДП сафларида бугун бир миллион бир юз минг нафардан ортиқ ватандошимиз эзгу мақсадлар муштараклиги асосида бирлашиб, юрт тинчлиги, ватан тараққиёти йўлида самарали меҳнат қилиб келмоқда. Ўтган 30 йиллик вақт давомида партия аҳоли турмуш фаровонлигини ошириш, электорат вакиллари бўлмиш педагоглар ва тиббиёт ходимлари, суд-ҳуқуқ соҳаси вакиллари, муҳандис ва техниклар ҳақ-ҳуқуқларини ҳимоя қилиш, касбий муҳофазаси ва ўз устида ишлашни қўллаб-қувватлаш борасида салмоқли ишларни амалга оширди.




УЙ-ЖОЙ ҚУРИЛИШИ —



ҳудудларнинг иқтисодий ривожланишида асосий драйверга айланиши зарур

2025 йилда камида 70 мингта хонадон учун ипотека кредити тақдим этиш билан бир қаторда, 30 минг оилага хонадон сотиб олиш учун расмийлаштириладиган кредитнинг бошланғич бадали субсидия шаклида берилиши режалаштирилган. Ушбу субсидия даромади юқори бўлмаган оилаларга берилиб, давлат бюджетидан қопланиши назарда тутилган.



ЁШЛАР САЛОМАТЛИГИГА ЭЪТИБОР ҚАРАТИШ КЕРАК ЭМАСМИ?

— Бизда ҳамширалик ва лаборант лавозими қисқариб кетган, шунинг учун... — дея изоҳ берди ўзини собиқ ҳамшира дея таништирган Фотима Мамажонова. — Лекин қўлимдан келганча ёшлар соғлигига эътибор қаратиб турибман. Чунки ўсмир ёшдагилар жиддий ўзгаришларни бошдан кечиради.

Ушбу масалага ойдинлик киритдик. Маълум бўлишича, Республика Олий таълим, фан ва инновациялар, Камбағалликни қисқартириш ва бандлик, Иқтисодиёт ва молия вазирликларининг қарорига асосан бир қатор штатлар қаторида ҳамширалик ва лаборантлик вазифаси ҳам 2023 йилнинг май ойида қисқартириб юборилган экан.

Ажабо! Келиб-келиб ўқув юртидаги саломатлик посбони штати қисқартириладими?



МИЛЛИЙ ФАРМАЦЕВТИКА:

иқтисодиёт ва аҳоли саломатлигида муҳим ўрин тутадиган соҳа

2025 йил 1 апрелдан бошлаб чекланган савдо устама-лари фақат рецепт билан бериладиган дори воситалари тоифасига нисбатан татбиқ этилиши, бир ишлаб чиқарувчи томонидан турли савдо номлари остида таркиби бир хил бўлган дори воситаларини ишлаб чиқаришда ушбу дори воситаларининг барчасига нисбатан энг паст референт нарх қўлланилиши, шунингдек, «Фармацевтика маҳсулотлари хавфсизлиги маркази» томонидан хорижий валютада қайд этилган референт нархлар белгиланган ҳолларда автоматик равишда (тадбиркор мурожаатсиз) қайта кўриб чиқилиши каби муҳим жиҳатлар белгиланмоқда.



“ҚИЗ БОЛА, АЛБАТТА, ЎҚИШИ КЕРАК”

Билими, тарбияси ва кенг дунёқараши билан илм йўлида меҳнат қилаётган, жамиятда аёлларнинг ўрни ва ролини янги босқичга кўтаришга ҳисса қўшаётган ёшлар ҳақида ёзгим келди. Улардан бири — ўз қишлоғида кутубхона очиб, юзлаб ёшларни мутолаа завқига ошно қилган, ёш бўлишига қарамай, кўплаб давлатларда тажриба орттирган, модерн илм соҳасида истиқболли лойиҳа муаллифига айланаётган, “Келажак бунёдкори” медали соҳибаси, Ислом Каримов номидаги стипендия совриндори Маржона Қиёмовадир.



